





H. XIII. 8

Nova-Tacina. Litera.

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

Adh. 38

D. O. M. A.
GYMNASII ETHICI
EXERCITATIO III.

De
Actu Morali.

Quam
PRÆSIDE
HENRICO NICOLAI,
Phil. Profes. Publ.

Placida ventilationi subicit
WILHELMUS Büchner/
Regiomontanus Prusus.

In Gymnasio Gedanensi.

Ad diem Septemb.
Horis locoq; destinatis.

DANTISCI,
Typis Viduæ GEORGII RHETII.
Anno M. DC. XLIX.

D. O. M. A.

GYMNASII ETHICI

EXERCITATIO III.

DE

Agri Morali.

Comitatus

PARALIPSE

HENRICO NICOLAI

Phil. Prot. Publ.

Placidia et Antiquariae

WILHELMUS (Simplicius)

Leipzigensium Præfatus

In Opusculo Gedanensi.

Ad hunc. Secunda.

Hort. Societ. Illustrata.

DANTISCI.

Ty. Vnde GEORGI RHEIT.

Anno. M. DC. XLIX.

EXERCITATIO III.

De

Actu morali.



um objectum Ethices actus humanus sit, *d. 1. t. 11.* Et Agere Ethica requirat, non scire aut contemplari; sed summa boni hic sit, *Agendum*, Facere enim docet Philosophia (moralis) non dicere, & hoc exigit, ut ad legem quisq; suam vivat, ne orationi vita dissentiat, ut *Seneca Ep. 120.* ait, quid & quotuplex actus moralis sit, cum primis in Ethicis dispiciendum erit.

2. Dari actum moralem *partim definitio*, quia actus à voluntate moraliter se habente productus datur, ut virtuosè, vitiosè, agere. At hic moralis est: *partim experientia* docet, ut exempla virtuosorum & vitiosorum testantur, ut Catonis, Aristidis, Scipionis, &c. *Sumiturq; vox actus & latius* pro interno & externo simul, ut eligere internus, à cibo abstinere externus est, Et *strictius* pro externo tantum. Ita hic frequenter sumitur, & internus principium externi statuitur, *t. 3.* Ad utrumq; definitio flecti poterit. Et actus *vel* ut informandus honestate Ethicà, sic objectum, *vel* ut informatus spectatur, sic principium aut effectum virtutis esse poterit. Indifferenter ad utrumq; hic tractari queat.

3. Definitur *actus moralis actio humana externa contingens*, à voluntate moraliter constituta per rationem practicam directà ob certum finem producta. Actio, h. e. effluxus ab agente profectus, ut à potentia & habitu distinguatur,

quæ non effluxus; sed qualitates intra manentes sunt. Humana, ut divinæ & angelicæ excludantur, aut animæ humanæ separata, quæ superiores moralibus, aut analogæ illis sunt, non strictè morales, & brutorum, quæ umbram & idola ut rationis, sic & moralium habent, ut cum fortis Leo, castus elephas, temperans columba dicitur, maleq; illis virtutes & vitia ex antiquis *Speusippus, Plutarchus in Gryllo, ex neotericis Photiniani ut Socinus c. Pucc. c. 6. Item Vorstius in not. ad d. g. t. 28. 29. Et parasc. p. 2. C. 9. t. 19. Et amic. Collat. f. 90. Zanakius l. 3. c. Jac. Mart. f. 2. c. 12. alijs* tribuunt; Non enim sine ratione hæc, quæ in brutis non datur. Lex de Casti bruti datur, *Exod. 21. v. 28. Levit. 20. v. 15. 16.* Et objectum ac materia legis illud esse potest: Sed homini propriè fertur, non bruto, *Exod. c. l. v. 1. Gen. 6. v. 12. C. 9. v. 5.* Et brutum occidi jubetur *Gen. 9. Exod. 21. Lev. 20.* in detestationem facti, non quòd vitii propriè capax. Sic cultri, instrumenta, supellex, in gravi scelere abolentur, ut regicidio, sic Achanis, *Jos. 7.* muri & turres Tyrriorum, *Ezech. 26. v. 4.* Vitulus Aaronis, *Exod. 12.* aræ, templa, idololatræ, *2. Chron. 24. v. 3. 4.* non quòd illa propriè peccarint, sed quòd homines illis ad peccandum abusi sint. Sic in *Jure Civili*, si quadrupes pauperiam fecerit, actio datur, sed in herum, non brutum. *L. 1. Digest. t. 12.* Tolluntur bruta non peccatorum participatione, sed possessorum afflictatione. Externa, quia maximè frequenter hæc moralis dicitur. Interna ut principium assumitur, & si externa non adsit, nondum satis completè moralis nominatur, etsi ex parte & ipsa moralis sit. *Contingens*, ut à necessariâ & eodem tantum modo naturaliter se habente distinguatur, ut rugire,

rugire, latrare, videre, audire, intelligere, loqui, quæ naturales, non morales actiones sunt. Voluntas ad utrosq; actus, bonos & malos, virtuosos & vitiosos, indifferens est. Si quædam moralibus subduntur, ut loqui taciturnitati, morale aliquod esse sortiuntur.

4. *A voluntate producta*, non solo intellectu, ut speculatio, apprehensio, illatio; artificialis operatio. Si concurrat, in ordine ad voluntatem, quæ sequi debet, concurrere oportet, ut consultatio, t. 6. Aut appetitu sensitivo, nihil rationis moralis capace, ut saltatio: *Moraliter constituta*, ut principio morali ea agatur, seu plena, seu semiplenè, hinc actus ex dispositione & habitu procedentes morales dicuntur, ut primus actus liberalitatis, temperantiæ, &c. Reliqua principia ultra moralia sunt. *Per rationem practicam directam*, hæc enim propriè formale actus moralis facit, Judicium practicum, quo voluntas in agendo ratione boni aut mali moralis dirigitur. Sive judicium illud legitimum, sive illegitimum, erroneum aut rectum, inconsultum vel providum, sit. Unde actus differentes oriuntur. *Excluditur principium divinum & supernaturale*, ut cum Deus aliquos excitat, ut Simsonem, aut virtutes concreat, infundi, connasci facit, vel per angelos adigit: aut virtutes spirituales excitat, fidem, spem, caritatem: *Sathanicum & magicum*, ut cum Sathanas suos ad scelera impellit, ut sagas, ubi actus plusquam moralis est, & vitia magica non merè moralia sunt: *Artificiosum*, ut sutoria, saltatoria, citharistria: *Theoreticum*, ut ratiocinatio, ordinatio, argumentatio: *Violentum*, ut cum ad eleemosynam dandam quis cogitur, ubi actus coactus est, nec bonus, nec malus

Ethicè est *Ob certum finem producta*, bonum vel malum, honestum vel inhonestum, non frustra, nec casu aut fortuitò. Ubi talis denominatio locum non habet, denominatio moralis non valet. Ut *nutrire, augere, speculari.*

5. *Dividitur actus moralis in internum & externum.* Internus, qui intra in agente manet, non foràs protrahitur. *Ut prima voluntatis* ad appetendum objectum ab intellectu propositum & cognitum inclinatio. Non cognitum non volitum, & ignoti nulla cupido est. Nisi appetitus furiosus ac distortus sit, ut in *Cat. Mesalino*, qui nunquam visæ flagrabat amore puellæ, *Juven. saty. 4.* Et quomodo Sagas dementat Sathan, ut appetant, quæ nec sunt, nec fuerunt. *V. d. Mag. act. C. 4. 5. Sequens appetitus* sensitivi commotio, quæ sensibus cognita ut jucunda vel adversa recipiuntur, boni quæ appetitio, mali averfatio est: *Intellectus cognitio* & voluntati propositio, ubi ultra sensum specialius intellectus objectum cognoscit, voluntati appetendum aut fugiendum persuadet, ut verè aut apparenter cognitum fuerit: *Voluntatis plenior appetitio*, ut seriò potiri velit, & intellectum ad medium quærendum incitet, ubi reciproca intellectus & voluntatis est commotio, sed suavis & politica, non herilis & despotica, ut voluntas etiam contra intellectus directionem appetere possit, & directivum principium intellectus sit, non imperativum. *V. t. 6.*

6. *De mediis pro fine consequendo Consultatio*, & mediorum ad finem inquisitio. Ubi *objectum*, de quo, quod agibile quid, ex parte vel toto nostrum, futurum, dubium, in nobis situm, non planè remotum, & medium ad fi-

ad finem, non finis ipse sit, *modus*, sub quo, ut & *scopus*
figatur, & *media* ad eum maximè convenientia suman-
tur, & *executio*, ad quam consultatur, spectanda, quæ
ordinata, considerata, & tempestiva, & sociativa, si soli
impares, esse debet: *De consultis voluntatis decretio*, Li-
bera medii alicujus electio, cæterorum rejectio, ubi vo-
luntas de fine & scopo, electio de ordinatis ad finem est,
Illa & de impossibili, ut avarus totius mundi opes appetit,
hæc tantum de possibili est: *Conscientia de actu arrestatio vel*
improbatio, judicium practicum, quid decorum aut in-
decorum in vita sit, suggerens, quæ *vel* antecedit actum,
ut hic, *vel* sequitur, estq; benè aut malè actorum in
homine index & vindex, *V. d. 2. t. 10.* Vel affirmans
vel negans, simplex vel comparata, *propria*, quæ recta,
erronea, probabilis, Ubi erronea in errore invincibili,
cum aliter sciri non potest, sequenda, In vincibili, de
objecto indifferente, non autem malo, sequenda. Sic Saul
non debuit sacrificare, *1. Sam. 13.* Quia Regem hoc de-
decere scire debuit: *Vel impropria* est, quæ dubia aut
scrupulosa est: *Et voluntatis plena ac destinata volitio*, li-
ber actus unum è consultatis & electis assumens, alterum
reprobans. Perpetuò hic liber est, nullo judicio pra-
ctico ultimatè ad sequendum adigi potest. In eo enim
formale libertatis est, omnibus ad agendum requisitis
positis, recipere vel reprobare posse. Voluntas autem
vis liberrima est, *Et in peccantibus destinatio* ac contra
conscientiam patet, qui omne judicium practicum re-
spuunt, & scientes meliora deteriora sequuntur. *Jerem. 44.*
v. 16. Itemq; in *Sp. S. peccantibus*, qui scientes volentesq;
Evangelicam veritatem ad ultimum oppugnant ac blas-
phemant:

phemant: Ac multi motus iudicium practicum antever-
tunt, ut indeliberati, repentini, imprudentes. &c. Ut rectè
hic Scotus, Meisnerus, Becanus, Suarezius, Mendoza, alijq;
sentiunt, maleq; oppositum Bellarminus, Valentia, Tan-
nerus, Zumel, Alvarez, alijq; arripuerunt, de quo la-
tius Dec. 3. Miscell. d. 3. t. 11. 12. actum.

7. *Actus externus est*, qui foràs è subjecto prorum-
pit, & consultatorum ac volitorum est executio. Hic
inprimis moralis dici solet, t. 2-3. *Estq; bonus & malus,*
voluntarius & involuntarius, imperatus & elicitus, ante-
cedens habitum & consequens. Bonus, qui conformis rectæ
rationi & legi est. Malus, qui difformis ab eà est. *Boni-*
tas est perfectio actus voluntarii, in conformitate cum
recta ratione & lege consistens. *Malitia imperfectio actus*
voluntarij, in exorbitantia à recta ratione & lege confi-
stens. In solo homine propriè locum habet, non DEO,
angelo bono, malo, bruto, &c. t. 4. *Principaliter boni-*
tas ab objecto honesto sub ratione formali honesti, h. e.
rectæ rationi convenientis, quæ ut differentia formalis
actionum est, V. Scalig. ex. 367. f. 27. sumpto specificatur,
ut pauperi subsidium dare: Secundariò à fine, intentione,
& circumstantiis. Unde bona etiam benè agenda, &
opera non nominibus, sed adverbiiis iudicanda sunt. Sic
proditori irasci honestum, sed sub publicâ concione
turpe est. Fratris mortui uxorem ducere illicitum. Sed
in casu carentiæ hæredis licitum, & à communi lege à
DEO exceptum fuit, ut in eo casu lex non valere debu-
erit, Deut. 25. v. 5. V. d. 6. t. 17. *Sed solus finis bonum*
non facit. Sic qui furatur, ut elemosynam det, non
bonum agit.

8. *Malitia principaliter* ab objecto inhonesto formaliter tali, & intentione malà etiam honestum agentis pendet. Sic inebriari malum, quia temperantiæ adversum, sive Græcus aut Germanus agnoscat, seu minus. Alienum surripere inhonestum, seu Spartanus agnoscat, seu minus, *D. 1. t. 4.* Noa vim vini ignorans inebriatus peccat, *Gen. 9.* Deus hic excipere potest, ut commune fiat, quod aliàs alienum erat, ut in Ægyptiis. *Exod. 11. V. t. 7.* *Mala intentio* etiam ex honesto turpe facit, ut qui stipem dat, ut hominibus appareat, orat, ut pius videatur, fortiter adversa fert, ut speciem affectet. Sed *sola intentio* non facit bonum, quia objectum honestum formaliter tale esse debet. Sic qui justè agit, non ex habitu justo, qui stipem dare vult, & furatur: *Secundario à circumstantiis.* Sic centies furatus gravius peccat, ac semel, cum maritatà scortatus gravius, ac cum solutà, hominem abripiens gravius, ac bovem, & plagium, non simplex furtum committit, & capite puniendus, *Exod. 22. v. 16.* Cum alter non, *C. 22. v. 1. seq.*

9. *Differt actus bonus & malus specie*, ut essentiali actuum oppositorum differentià determinatus, & in objectis specie differentibus fundatus, prout & *habitus bonus & malus specie* differunt, etsi malitia abstractè & ut sic non realis positio, ut bonitas, sed positionis privatio & negatio sit, *d. 4. t. 15.* *Actus* tamen, de quo Ethicus agit, & qui propriè ejus considerationis, non attentà sollicità inter malum abstractè & concretè sumptum distinctione, ut Metaphysica facit, in utroq; positivus est: Et quod bonus bonitatis requisita aggregatè omnia postulet, ut objectum, finis, & circumstantiæ honestæ sint; malus malitiam

licitiam etiam ex uno habere possit. Ut qui malo fine bonum agit. *t. 8. Bonum ex integrâ causâ, nam adstruentis, malum ex uno defectu esse potest, nam destruentis natura est.* Nec medium in morali actu in individuo & singulari est, qui nec bonus, nec malus sit, etsi extra eum multi indifferentes, ut sedere, stare, progredi, & in universali actus inchoati boni vel mali fieri possint. Denominatum autem boni & mali partim in interno, ut volitio iusti, temperantis, partim externo est, ut iusta distributio, temperata comestio, bibitio, *ac moraliter externus cum interno uniantur ac concurrunt,* ut actus temperantiæ, iustitiæ, modestiæ, & ex interno voluntatis motu, & externo membrorum actu moraliter complicatus.

10. *Voluntarius est,* cujus principium voluntas agentis libera, eligens, & omnes circumstantias, quæ tales sciens est. *Estq; directus,* cum positivè realiter efficiens est, ut scortari, & *indirectus,* cum non avertit, quod potest & debet avertere & impedire, sic gubernator causa submersionis, cum impedire eam potuit, & ex officio debuit: *Vel moraliter* concurrat iubendo, consulendo, salvando, illiciendo, instigando, fovendo, probando: *Plenus,* ubi perfecta voluntas, ut ex proæresciens volensq; agat, & *semiplenus,* ubi refracta voluntas est, ut si aliquid ad eligere movens non esset, non eligeretur. Ut cum impetu aut naturali in iram propensione agitur, aut præmiis & illiciis actus inducitur, qui secus non agat, aut necessitate agitur, quod aliàs non ageretur, ut cum merces in mare metu naufragij projiciuntur, latroni pecunia pro vitâ promittitur, quod aliàs non fieret, qui actus mistus & medius dicitur, & externi principij ac primi motus
ratione

ratione *involuntarius*, interni, voluntatis, & circumstan-
tiarum ratione, *liber ac voluntarius est*. Nam & objectum
indifferens liberè eligitur, cum alterum eligi posset, &
vis eligens eligendo ac imperando hoc assumit, illud re-
probat, cum contrà agere posset; & finis potior liberè
asumitur, ut vitam servare, quàm perdere. Quomodo
rectius voluntarium eum *Aristoteles, Horneius, Becanus, Ca-
sus, aliiq;*, quàm invitum *Keckerm. & Donaldsonus* dicunt.
Ut t. 17. 18. c. l. pluribus.

11. *Involuntarius*, qui voluntate repugnante aut
ignorante fit. *Estq; violentus*, cum voluntas nec vult, nec
juvat, sed obstitit. Qui propriè moralis non, sed oppo-
sitione, voluntarij, adducitur, ejusq; collatione hic me-
lius explicatur: *Et ignoratus*, ubi principium ignorantia
facti vel faciendi est. *Ea vel juris, vel facti* proprij aut
alieni, vel rei, circumstantiæ, actionis & efficientis,
vincibilis & invincibilis, negationis & dispositionis est,
de quibus latè Autores c. l. t. 19. citati. Ubi & plura
de eâ, an, ubi, quomodo, & in quantum ea excuset.

12. *Actus imperatus* est, qui ad placitum volunta-
tis ab alijs potentiis educitur, ut manum extendere,
consultare, media inquirere, objectum ostendere, edere,
bibere, aggredi, non semper externus est, etsi plerumq; ut
consultare. *Elicitus*, qui ab ipsâ voluntate ex sese elicitur, ut
velle, appetere, recipere, rejicere. Semper internus est,
etsi imperatus non semper externus. *Antecedens habitû est*,
qui à voluntate nondum habitu instructâ procedit. Ut
cum dispositio ad justè, temperatè, fortiter, agendum
est. *Consequens* qui ex habitu. Ut justè, fortiter, in-
temperanter ex habitu agere. *An specie differant, an gra-*

da, quæritur? Hoc potius; ut *Jac. Martini, Evenius, Golenius*, non illud, ut *Piccolom. Timplerus, aliisq; volunt*. Objecta enim eadem, & norma, prudentia, & efficiens eadem utriusq; est, voluntas humana, & opposita eadem. Sic temperantiæ inchoatæ & completæ, in-temperantiâ opponitur. *Gradu* differunt. Ille enim vacillans, difficilis, cum luctâ, facile amittitur, disponens & pugnans est. Hic firmus, constans, promptus, jucundus, perficiens & pervincens est, strato hoste & victo, non vincendo & adhuc repugnante.

13. *Dices* 1. *Actiones precedentes sunt causæ habitus*. Sed consequentes sunt effecta. Causæ autem & effecta realiter & specie differunt. *R. Satis est*, numero differre, non semper specie. Sic pater & filius, canis gignens & genitus, ut causa & effectum differunt, nec specie. Quod autem gradu differt, etiam realiter differt, etsi non specie. Sic cantio à tyrone Citharistriæ, & eadem ab artifice pulsata gradu, numero, & perfectione differt, specie conveniunt. 2. *Diversa sunt Causæ istarum actionum*. Antecedentes à voluntate, consequentes ab habitu prodeunt. *R. Etiam* à diversis causis idem in specie effectus prodire potest, ut rana, mus, à Sole & ranâ ac mure genitus. Et utriusq; hic eadem causa est, voluntas humana, modò saltem diversa, habitu instructa aut vacua.

14. *Subiectum actus moralis ultimum homo*, qui benè & malè moratus vocatur, *proximum voluntas humana & appetitus sensitivus est*. *V. d 4 t. 10. Affectiones* sunt libertas & illibertas, dispositio & perfectio, & à naturali, supernaturali, artificiali, violento, Magico ac Sathanico distinctio. *Vid. t. 4.*

tion
ere
and
re.
li-
tor
are,
∞
Ho-
r h
pe-
.

